

Na osnovu člana 20. stav 4. Zakona o udruženjima i fondacijama(„Službene novine Federacije BiH“, broj 45/02), a u vezi sa tačkom I Odluke o osnivanju Fondacije za bibliotečku djelatnost („Službene novine Federacije BiH“ broj 95/07) Vlada Federacije Bosne i Hercegovine na 59. sjednici, održanoj 18. 6. 2008. godine, donosi

STATUT

FONDACIJE ZA BIBLIOTEČKU DJELATNOST

I- OSNOVNE ODREDBE

Član 1.

Ovim Statutom uređuju se:

- 1) naziv i sjedište Fondacije za bibliotečku djelatnost (u daljem tekstu: Fondacija),
- 2) ciljevi i djelatnost Fondacije,
- 3) organi Fondacije, njihova ovlaštenja, način imenovanja i opoziva članova organa Fondacije, trajanje mandata, kvorum i pravila glasanja, te specifična pitanja o kojima se odlučuje kvalifikovanom većinom,
- 4) zastupanje i predstavljanje Fondacije,
- 5) oblik i sadržaj pečata Fondacije,
- 6) oblik i sadržaj znaka Fondacije,
- 7) pravila korištenja sredstava Fondacije,
- 8) moguće korisnike sredstava Fondacije,
- 9) postupak za donošenje Statuta, izmjene i dopune Statuta i drugih općih akata Fondacije,
- 10) način usvajanja i podnošenja finansijskog izvještaja i izvještaja o radu Fondacije,
- 11) uvjete i postupak za pripajanje, razdvajanje, transformaciju ili prestanak rada Fondacije,
- 12) pravila za raspodjelu imovine Fondacije u slučaju prestanka rada Fondacije,
- 13) druga pitanja značajna za rad Fondacije.

II – NAZIV I SJEDIŠTE

Član 2.

Naziv Fondacije je: Fondacija za bibliotečku djelatnost.
Sjedište Fondacije je u Sarajevu, ulica Maka Dizdara broj 2.

III - CILJEVI I DJELATNOST FONDACIJE

Član 3.

Osnovni cilj Fondacije je podsticanje, razvoj, unapređivanje i modernizacija bibliotečke djelatnosti a naročito u domenu:

- otkupa knjiga i drugih izdanja za biblioteke kao podrška razvoju i obnovi bibliotečkog fonda,
- utvrđivanje instrumenata i procedura za transparentno korištenje sredstava Fondacije,
- podrške programima prikupljanja bibliotečkog fonda,
- stvaranja kvalitetnijih prostornih i tehničkih pretpostavki u oblasti bibliotekarstva,
- podrške programima približavanja knjige čitaocima i uključivanja većeg broja čitalaca sistemom razmjene bibliotečke građe i drugim savremenim metodama,
- podrške programima razvoja informacionih sistema i tehnološkim inovacijama u oblasti bibliotekarstva,
- podrške programima edukacije kadrova u oblasti bibliotekarstva,
- učešća u utvrđivanju politike za unapređivanje i modernizaciju bibliotekarstva,
- podrške nekomercijalnih projekata.

IV- ORGANI FONDACIJE, NJIHOVA OVLAŠTENJA, NAČIN IMENOVANJA I OPOZIVA ČLANOVA ORGANA FONDACIJE, TRAJANJE MANDATA, KVORUM I PRAVILA GLASANJA, UKLJUČUJUĆI I SPECIFIČNA PITANJA O KOJIMA SE ODLUČUJE KVALIFIKOVANOM VEĆINOM

Član 4.

Organ upravljanja Fondacijom je Upravni odbor.
Upravni odbor čine predsjednik i dva člana.

Član 5.

Predsjednika i članove Upravnog odbora imenuje Vlada Federacije Bosne i Hercegovine iz reda stvaralaca, naučnih, kulturnih i drugih javnih ličnosti, na prijedlog federalnog ministra kulture i sporta.

Mandat predsjednika i članova Upravnog odbora Fondacije traje četiri godine, s tim da mogu biti još jednom imenovani nakon isteka mandata.

Predsjednik i članovi Upravnog odbora primaju naknadu za rad u Upravnom odboru, u skladu sa Pravilnikom o naknadama za rad na poslovima Fondacije.

Član 6.

Osnivač može, na prijedlog federalnog ministra kulture i sporta, razriješiti predsjednika i članove Upravnog odbora i prije isteka mandata, ako se utvrdi da je odgovoran za nezakonit ili neuspješan rad Fondacije, na lični zahtjev, kao i u drugim slučajevima utvrđenim zakonom.

Osnivač imenuje privremenog člana Upravnog odbora na mjesto razriješenog člana, na prvoj narednoj sjednici, na prijedlog federalnog ministra kulture i sporta, do provođenja procedure u skladu sa članom 7. ovog statuta.

Član 7.

Postupak imenovanja i razrješenja predsjednika i članova Upravnog odbora Fondacije vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/3 i 34/03).

Član 8.

Upravni odbor vrši sljedeće poslove:

- ostvaruje ciljeve Fondacije utvrđene ovim statutom,
- daje saglasnost na pravne radnje preuzete u ime Fondacije prije njenog upisa u registar,
- upravlja imovinom Fondacije,
- vrši izmjene i dopune Statuta uz prethodnu saglasnost federalnog ministra kulture i sporta,
- imenuje lice ovlašteno za zastupanje i predstavljanje Fondacije,
- predlaže osnivaču pripajanje, razdvajanje, transformaciju ili prestanak rada Fondacije,
- priprema finansijske i druge izvještaje,
- donosi planove poslovanja Fondacije,
- utvrđuje poslovnu politiku i strategiju razvoja Fondacije,
- donosi godišnje programe rada,
- odlučuje o raspodjeli i upotrebi sredstava,
- donosi Pravilnik o procedurama i kriterijima za izbor korisnika sredstava Fondacije,
- imenuje osobu koja će zastupati Fondaciju, u slučaju kada je za to spriječen predsjednik Upravnog odbora,
- donosi Poslovnik o radu Upravnog odbora,
- donosi Pravilnik o naknadama za rad na poslovima Fondacije,
- donosi i druge akte iz nadležnosti rada Fondacije,
- radi i druge poslove u skladu sa ovim statutom i zakonom.

Član 9.

Upravni odbor održava redovne i vanredne sjednice.

Vrijeme održavanja redovnih sjednica, za koje se ne dostavljaju pozivi članovima, utvrđuje se Poslovnikom o radu Upravnog odbora.

Vanredne sjednice se sazivaju na temelju pismeno obrazloženog zahtjeva.

Sjednice Upravnog odbora saziva predsjednik Upravnog odbora, u skladu sa Poslovnikom o radu Upravnog odbora.

Predsjednik je dužan zakazati sjednicu, na prijedlog premijera Vlade Federacije Bosne i Hercegovine, federalnog ministra kulture i sporta i najmanje dva člana Upravnog odbora, u skladu sa Poslovníkom o radu Upravnog odbora.

Član 10.

Upravni odbor odlučuje o svim pitanjima većinom glasova ukupnog broja članova, ukoliko ovim Statutom i Poslovníkom o radu Upravnog odbora nije drugačije propisano.

O svim pitanjima Upravni odbor odluke donosi nakon diskusije i usaglašavanja stavova.

Nakon što se odluka donese potrebnom većinom svi članovi Upravnog odbora dužni su je se pridržavati.

U slučaju sukoba interesa predsjednika ili člana Upravnog odbora proisteklog iz članstva u nekom tijelu ili organu, ili ličnim odnosom s nekom osobom ili institucijom, a u vezi sa predmetom rasprave i odlučivanja Upravnog odbora, predsjednik odnosno član obavezni su iskazati sukob interesa.

U slučaju sukoba interesa predsjednika ili člana Upravnog odbora, Upravni odbor ne može odlučivati o tom pitanju, o čemu je dužan obavijestiti podnosioca zahtjeva.

Za svoj rad i rezultate rada, Upravni odbor odgovoran je Vladi Federacije Bosne i Hercegovine.

Član 11.

Prisutnost predsjednika i svih članova Upravnog odbora Fondacije je obavezna za donošenje slijedećih odluka:

- o upravljanju imovinom Fondacije,
- o izmjenama i dopunama Statuta Fondacije i
- o pripajanju, razdvajanju, transformaciji ili prestanku rada Fondacije.

V - STRUČNO OPERATIVNI POSLOVI

Član 12.

Stručne i operativno tehničke poslove za potrebe Fondacije obavljaju kvalifikovana stručna lica putem ugovora o djelu.

Lica koja će obavljati ove poslove bira Upravni odbor Fondacije na prijedlog federalnog ministra kulture i sporta.

Lica stalno zaposlena u Federalnom ministarstvu kulture i sporta ne mogu obavljati stručne i operativno tehničke poslove za potrebe Fondacije.

Naknada za obavljanje stručnih i operativno tehničkih poslova utvrđuje se Pravilnikom o naknadama za rad na poslovima Fondacije.

Član 13.

Stručni i operativno tehnički poslovi za potrebe Fondacije su:

- pravni i operativno tehnički i
- finansijsko računovodstveni poslovi.

Pravne i operativno tehničke poslove obavlja sekretar Fondacije, koji je diplomirani pravnik.

Finansijsko računovodstvene poslove obavlja diplomirani ekonomista.

Odabrana stručna lica staraju se o realizaciji zakonskih obaveza, rokovima za izvršavanje tih obaveza i o tome blagovremeno izvještavaju Upravni odbor Fondacije.

Za svoj rad odabrana stručna lica odgovaraju Upravnom odboru Fondacije.

Stručne i operativno tehničke poslove odabrana stručna lica obavljaju za potrebe Fondacije za bibliotečku djelatnost.

VI – OBLIK I SADRŽAJ PEČATA

Član 14.

Fondacija ima pečat i štambilj.

Pečat Fondacije je okruglog oblika, promjera 35 mm, na čijem obodu je ispisan slijedeći tekst: „Fondacija za bibliotečku djelatnost“, a vodoravno u sredini pečata, „Sarajevo“, kao sjedište Fondacije.

Štambilj Fondacije je pravougaonog oblika 60 x 30 mm i sadrži naziv i sjedište Fondacije: „Fondacija za bibliotečku djelatnost – Sarajevo“, te „Broj“ i „Datum“, sa prostorom za upisivanje broja i datuma.

VII – PRAVILA KORIŠTENJA SREDSTAVA FONDACIJE I MOGUĆI KORISNICI SREDSTAVA FONDACIJE

Član 15.

Pravilnik o procedurama i kriterijima za izbor korisnika sredstava Fondacije(u daljem tekstu Pravilnik) je akt kojim se obezbjeđuje transparentno korištenje sredstava Fondacije radi ostvarivanja ciljeva Fondacije.

Pravilnik donosi Upravni odbor većinom glasova ukupnog broja članova.

Pravilnik se objavljuje u «Službenim novinama Federacije BiH».

Član 16.

Pravilnik obavezno sadrži:

- osnove za korištenje sredstva Fondacije,
- način raspoređivanja sredstava po različitim osnovama,
- kriterije za izbor korisnika sredstva Fondacije,
- proceduru za izbor korisnika sredstava Fondacije,
- druga pitanja značajna za zakonit i efikasan rad Fondacije.

Član 17.

U svrhu kontrole namjenskog korištenja sredstava od strane korisnika sredstava Fondacije, Upravni odbor će Pravilnikom o procedurama i kriterijima za izbor korisnika sredstava Fondacije ustanoviti instrumente i način provjere.

VIII – NAČIN USVAJANJA I PODNOŠENJA FINANSIJSKOG IZVJEŠTAJA I IZVJEŠTAJA O RADU

Član 18.

Upravni odbor za svaku poslovnu godinu donosi finansijski plan Fondacije, koji je sastavni dio godišnjeg programa rada Fondacije.

Program rada i finansijski plan usvaja Upravni odbor većinom ukupnog broja članova.

Na kraju poslovne godine donosi se godišnji obračun prihoda po istom postupku kao i finansijski plan.

Član 19.

Plan poslovanja Fondacije zajedno sa finansijskim planom i godišnjim planom rada, te izvještajem o radu sa godišnjim obračunom, podnose se jednom godišnje Vladi Federacije Bosne i Hercegovine i Federalnom ministarstvu kulture i sporta.

Član 20.

U Fondaciji se uredno vode poslovne knjige i sastavljaju finansijski izvještaji u skladu sa zakonom i drugim propisima.

Član 21.

Nadzor nad namjenskim korištenjem i raspolaganjem sredstvima Fondacije vrši Federalno ministarstvo finansija – Federalno ministarstvo financija.

Član 22.

Nadzor nad zakonitošću rada Fondacije vrši Federalno ministarstvo kulture i sporta.

IX- UVJETI I POSTUPAK ZA PRIPAJANJE, RAZDVAJANJE, TRANSFORMACIJU ILI PRESTANAK RADA FONDACIJE

Član 23.

Fondacija prestaje sa radom kada prestane svrha njenog osnivanja.

Vlade Federacije Bosne i Hercegovine donosi Odluku o pripajanju, razdvajanju, transformaciji ili prestanku rada Fondacije.

Odlukom o prestanku rada Fondacije utvrđuje se način zaštite prava korisnika sredstava Fondacije i druga pitanja od značaja za prestanak rada Fondacije.

X – PRAVILA ZA RASPODJELU IMOVINE FONDACIJE U SLUČAJU PRESTANKA RADA FONDACIJE

Član 24.

U slučaju prestanka rada Fondacije odluku o raspodjeli preostale imovine Fondacije donosi Vlada Federacije Bosne i Hercegovine, na prijedlog federalnog ministra kulture i sporta.

Ukoliko Vlada Federacije ne donese odluku o raspodjeli imovine Fondacije do dana brisanja iz registra, preostala njena imovina dodjeljuje se drugoj fondaciji koja obavlja istu ili sličnu djelatnost, a registrovana je na području Federacije Bosne i Hercegovine.

Odlukom iz stava 1. ovog člana reguliše se način ostvarivanja ranije stvorenih prava i obaveza Fondacije.

XI- OSTVARIVANJE JAVNOSTI RADA FONDACIJE

Član 25.

Rad Fondacije je javan, a ostvarivanje ovog načela ne može biti u suprotnosti sa interesima i poslovanjem Fondacije.

Član 26.

Javnost rada Fondacije ostvaruje se podnošenjem izvještaja o radu i finansijskom poslovanju Federalnom ministarstvu kulture i sporta i Vladi Federacije Bosne i Hercegovine.

Član 27.

Predsjednik Upravnog odbora ili lice koje ovlasti Upravni odbor može davati podatke i obavještavati sredstva javnog informisanja, kao i odlučivati o sazivanju konferencija za štampu i ostvarivati druge vidove saradnje sa sredstvima javnog informisanja.

XII- PRIJELAZNE I ZAVRŠNE ODREDBE

Član 28.

Ovaj Statut stupa na snagu danom donošenja.

V Broj: 539/2008
Sarajevo, 18. 6. 2008. godine

PREMIJER

Dr. Nedžad Branković

Na osnovu člana 20. stav 4. Zakona o udruženjima i fondacijama („Službene novine Federacije BiH“, broj: 45/02 i 85/07) i člana 8. alineja 4. Statuta Fondacije za bibliotečku djelatnost V broj: 539/2008 od 18. 6. 2008. godine, Upravni odbor Fondacije za bibliotečku djelatnost, po prethodnoj saglasnosti federalnog ministra kulture i sporta, na 18. sjednici održanoj 29. 4. 2009. godine, donio je

ODLUKU O IZMJENAMA I DOPUNAMA STATUTA FONDACIJE ZA BIBLIOTEČKU DJELATNOST

Član 1.

U Statutu Fondacije za bibliotečku djelatnost (u daljem tekstu: Fondacija) u članu 8. iza alineje 5. dodaju se alineje 6. i 7. koje glase:

„-donosi odluke o angažovanju stručnih lica u Fondaciji;
-odlučuje o pravima, obavezama i odgovornostima iz radnog odnosa za zaposlena stručna lica u Fondaciji.“

Član 2.

Poglavlje „V – STRUČNI I OPERATIVNO TEHNIČKI POSLOVI“ mijenja se i glasi: „V – STRUČNI I ADMINISTRATIVNO TEHNIČKI POSLOVI.“

Član 3.

U članu 12. riječ „operativno-tehnički“ zamjenjuje se riječju „administrativno-tehnički“ u odgovarajućim padežima.

U stavu 1. riječ „djelu“ zamjenjuje se riječju „radu“.

Stav 3. briše se.

Stav 4. postaje stav 3., mijenja se i glasi: „Prava, obaveze i odgovornosti iz radnog odnosa zaposlenih u Fondaciji regulišu se posebnim pravilnikom u skladu sa Zakonom o radu Federacije BiH („Službene novine Federacije BiH“, broj: 43/99, 32/00 i 29/03).“

Član 4.

U članu 13. riječ „operativno-tehnički“ zamjenjuje se riječju „administrativno-tehnički“ u odgovarajućim padežima.

U stavovima 4. i 5. riječ „odabrana“ zamjenjuje se riječju „zaposlena“.

Stav 6. briše se.

Član 5.

Ova Odluka stupa na snagu danom donošenja.

Broj:02-111/09
Sarajevo, 29. 4. 2009. godine

PREDSJEDNIK
UPRAVNOG ODBORA
Hadžem Hajdarević

Na osnovu člana 20. stav 4. Zakona o udruženjima i fondacijama („Službene novine Federacije BiH“, broj: 45/02 i 85/07) i člana 8. alineja 4. Statuta Fondacije za bibliotečku djelatnost V broj: 539/08 i broj: 02-111/09, Upravni odbor Fondacije za bibliotečku djelatnost, po prethodnoj saglasnosti federalnog ministra kulture i sporta, na 21. sjednici održanoj 16. 7. 2009. godine, donio je

**ODLUKU
O IZMJENAMA I DOPUNI STATUTA
FONDACIJE ZA BIBLIOTEČKU DJELATNOST**

Član 1.

U Statutu Fondacije za bibliotečku djelatnost (u daljem tekstu: Fondacija) poglavlje „VI – OBLIK I SADRŽAJ PEČATA FONDACIJE“ mijenja se i glasi: „OBLIK I SADRŽAJ PEČATA I ZNAKA FONDACIJE“.

Član 2.

U članu 14. stav 1. mijenja se i glasi: „Fondacija ima pečat, štambilj i znak.“

Dodaje se novi stav 4. koji glasi: „Znak Fondacije su dvije otvorene knjige na podlozi oblika kvadrata.“

Član 3.

Ova Odluka stupa na snagu danom donošenja.

Broj:02-178/09
Sarajevo, 16. 7. 2009. godine

PREDSJEDNIK
UPRAVNOG ODBORA

Hadžem Hajdarević

Na osnovu člana 24. Zakona o udruženjima i fondacijama („Službene novine Federacije BiH“, broj: 45/02 i 85/07) i člana 8. alineja 4. Statuta Fondacije za bibliotečku djelatnost V broj 539/08, br. 02-111/09 i 02-178/09, Upravni odbor Fondacije za bibliotečku djelatnost, po prethodnoj saglasnosti federalne ministricice kulture i sporta, na 46. sjednici održanoj 21. 8. 2020. godine, donosi

**ODLUKU
O DOPUNI STATUTA
FONDACIJE ZA BIBLIOTEČKU DJELATNOST**

Član 1.

U Statutu Fondacije za bibliotečku djelatnost V broj 539/08, br. 02-111/09 i 02-178/09, u članu 2. dodaje se stav 3. koji glasi: „Naziv Fondacije na engleskom jeziku je: Library Foundation“.

Član 2.

Ova Odluka stupa na snagu danom donošenja.

Broj: 04-3-82/2020
Sarajevo, 21. 8. 2020. godine

PREDSJEDNIK
UPRAVNOG ODBORA

Edin Kukavica

Na osnovu članka 8. alineja 4. Statuta Fondacije za bibliotečku djelatnost V broj: 539/2008 od 18.06.2008. godine, Odluke o izmjenama i dopunama Statuta Fondacije za bibliotečku djelatnost broj: 02-111/09 od 29.04.2009, Odluke o izmjenama i dopuni Statuta Fondacije za bibliotečku djelatnost broj: 02-178/09 od 16.07.2009. godine i Odluke o dopuni Statuta Fondacije za bibliotečku djelatnost broj: 04-3-82/2020 od 21.08.2020 godine, Upravni odbor Fondacije za bibliotečku djelatnost, na 3. sjednici održanoj 27.08.2025. godine, uz prethodnu suglasnost federalne ministricе kulture i sporta broj: 03-36-2-3695-1/25 TM od 04.08.2025. godine, donio je

O D L U K U **O IZMJENAMA I DOPUNAMA STATUTA** **FONDACIJE ZA BIBLIOTEČKU DJELATNOST**

Članak 1.

Članak 7. Statuta Fondacije koji glasi: „-postupak imenovanja i razrješenja predsjednika i članova Upravnog odbora Fondacije vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/3 i 34/03) **mijenja se i glasi :**

„- postupak imenovanja i razrješenja predsjednika i članova Upravnog odbora Fondacije vrši se u skladu sa važećim odredbama Zakona o ministarskim, vladinim i drugim imenovanjima Federacije Bosne i Hercegovine.

Članak 2.

U Statutu Fondacije za bibliotečku djelatnost u **članku 8. alineja 4. koja glasi:** „-vrši izmjene i dopune Statuta uz prethodnu saglasnost federalnog ministra kulture i sporta“ **mijenja se i glasi :**

„- vrši izmjene i dopune Statuta uz prethodnu suglasnost ili na prijedlog federalnog ministra kulture i sporta“

U statutu Fondacije za bibliotečku djelatnost u **članku 8. iza alineje 7., dodaje se nova alineja 8.** koja glasi: „donosi odluke i zaključuje ugovore o djelu i ugovore o privremenim i povremenim poslovima, kada za to postoji potreba, a sve u cilju nesmetanog i efikasnog funkcioniranja Fondacije“

Članak 3.

U Statutu Fondacije **članak 12. koji glasi:** „Stručne i administrativno-tehničke poslove za potrebe Fondacije obavljaju kvalifikovana stručna lica putem ugovora o radu.

Lica koja će obavljati ove poslove bira Upravni odbor Fondacije na prijedlog federalnog ministra kulture i sporta.

Prava, obaveze i odgovornosti iz radnog odnosa zaposlenih u Fondaciji regulišu se posebnim pravilnikom u skladu sa Zakonom o radu Federacije BiH („Službene novine Federacije BiH“, broj: 43/99,32/00 i 29/03). **mijenja se i glasi:**

„Stručne i administrativno-tehničke poslove Fondacije obavljaju kvalifikovana stručna lica na osnovu ugovora o radu.

Lica koja će obavljati poslove iz stava (1) ovog člana bira Upravni odbor Fondacije nakon provedene procedure obveznog javnog oglašavanja sukladno Uredbi o postupku prijema u radni odnos u javnom sektoru u Federaciji BiH („Službene novine FBiH, br: 13/19, 9/21 i 53/21).

Prava, obaveze i odgovornosti iz radnog odnosa lica iz stava (1) ovog člana regulišu se posebnim pravilnikom u skladu sa važećim odredbama Zakona o radu Federacije BiH.“

Članak 4.

U Statutu Fondacije **članak 13. koji glasi:** „Stručni i administrativno-tehnički poslovi za potrebe Fondacije su:

- pravni i administrativno-tehnički i
- finansijsko računovodstveni poslovi.

Pravne i administrativno-tehničke poslove obavlja sekretar Fondacije, koji je diplomirani pravnik.

Finansijsko računovodstvene poslove obavlja diplomirani ekonomista.

Zaposlena stručna lica staraju se o realizaciji zakonskih obaveza, rokovima za izvršavanje tih obaveza i o tome blagovremeno izvještavaju Upravni odbor Fondacije.

Za svoj rad zaposlena stručna lica odgovaraju Upravnom odboru Fondacije.“ **mijenja se i glasi:**

„Stručni i administrativno-tehnički poslovi Fondacije su:

- koordinacijski i rukovodno-organizacijski,
- pravni i administrativno-tehnički,
- finansijsko računovodstveni poslovi,
- poslovi tehničkog tajnika.

Svi stručni i administrativno tehnički poslovi Fondacije i radna mjesta sa uvjetima definirat će se Pravilnikom o radu Fondacije za bibliotečku djelatnost.

Članak 5.

U Statutu Fondacije **članak 19. koji glasi** „Plan poslovanja Fondacije zajedno sa finansijskim planom i godišnjim planom rada te izvještajem o radu sa godišnjim obračunom, podnose se jednom godišnje Vladi Federacije Bosne i Hercegovine putem federalnog ministarstva kulture i sporta.“ **mijenja se i glasi:**

„Plan poslovanja Fondacije zajedno sa finansijskim planom i godišnjim planom rada te izvještajem o radu sa godišnjim obračunom, podnose se jednom godišnje Vladi Federacije Bosne i Hercegovine uz prethodnu saglasnost i odobrenje federalnog ministra kulture i sporta.

Članak 6.

Ova Odluka stupa na snagu danom donošenja.

**PREDSJEDNICA
UPRAVNOG ODBORA**

SUZANA OSTOJIĆ

Broj: 04-1-58/25
Sarajevo, 27.08.2025. godine